

Accion Ambiental ta reacciona riba trabounan di grondonderzoek



ORANJESTAD - Fundacion Accion Ambiental por a tuma nota cu Minister di Infraestructura y Medio Ambiente Otmar Oduber y tambe e departamentonan concerni ta mal informa comunidad. Segun e Minister concerni mester tene cuenta cu e tunnelnan di awa cu a wordo traha den periodo di Lago pa cual no ta berdad esaki tabata hopi prome cu Lago pa coregi e mal informacion aki.

Ta pone enfasis cu lo conserva e tunnelnan anto kier bin bora esey por destrui e tunnel di awa e ta di calichi. Ta menciona cu no tin ningun cueba natural na e sitio esey ta totalmente falso nan a destrui nan nos di Fundacion Accion Ambiental tin potret saca for di halto con nan ta visibel y nos a midi nan cu GPS.

No a tene cuenta cu nada a gewoon bay rosa sin cu tin un ontheffing for di Directie Natuur en Milieu (DNM) nos a confirma esaki Diaranson mainta. A destrui e buchinan cu ta ariba e terreno cu a wordo rosa caba y a viola e especienan protegi caba p'esey nos di Fundacion Accion Ambiental ta pidi pa Ministerraad y Parlamento como tambe Gobernador pa para e proyecto aki di inmediato y por completo tin dacionan haci caba pakico no a respecta e area y awor ta core bin bisa cu ta garantis na comunidad, cu ta tuma den consideracion e tunnelnan di awa y balornan natural

na e sitio y den e proceso ta percura, pa anda cu esakinan na e miho forma tur esey ta mentira y falso paso no a tene cuenta cu nada a laga rosa y a destrui e cuebanan paso no conoce e cuebanan no gaña cu no tin cueba si no sa no bisa cos cu no sa dicon nunca a duna Fundacion Accion Ambiental cu conoce e area aki hopi mas miho un participacion manera antes Tico Croes, Eddy Briesen y Benny Sievinger si a duna nos tur participacion y a tuma nos consehonan y experiencianan y puntonan p'esey ta pega barco cada biaha y mas ignorante bo ta bo no ta yega nunca ningun caminda semper traha cu NGO nan Agenda 21

di Nacionnan Uni.

Semper Fundacion Accion Ambiental a traha estrictamente cu leynan, regulacionnan y protocolnan internacional y UNEP y UNESCO. Fundacion Accion Ambiental tin 26 aña den e terreno di medio ambiente y cuido y proteccion di nos naturalesa nos ta un NGO un institucion cu pa ley mester wordo respecta pa e trabounan cu nos ta haci den e terenonan menciona. Nos di Fundacion Accion Ambiental a keda sorprendi pa boramento atrobe y grondonderzoek cu a wordo haci caba na 2017 pa cual nos a pidi gobierno e tempo ey pa par'e paso e ta haci daño pero



e biaha aki a bay mas leu a bay rosa e terreno sin ontheffingvergunning di DNM. Fundacion Accion Ambiental ta pidi pa stop tur destruccion na e sitio ariba e baranca. Ningun momento nos di Fundacion Accion Ambiental ta contra ningun desaroyo of proyecto pero e mester ta den e zona di desaroyo y no na un zona of area Preserva. E area aki ta Preserva den e mapa di e Master Plan di Sasaki 2 marca como Preserv'e area

Minister Eddy Briesen y actual Minister di Infraestructura y Medio Ambiente Otmar Oduber y Minister di Turismo Danqui ta forsa pa esaki bin pero ta ariba un terreno cu no ta destina pa e hotel y den e ROP 2019 e no ta corecto. Fundacion Accion Ambiental ta traha basa ariba investigacionnan haci di e area y cu e area aki den pasado ta marca como Preserv'e Area y no manera Minister Otmar Oduber ta bin bisa cu e ta marca pa hotel for di 2009 na 2004 nan kier a haci pa hotel y no a logra y a traha un concepto di loke tabata di 2004 pero no tabata oficial. E Preserv'e area si di Sasaki Plan tabata oficial paso a lanta un oficina pa cu esaki esta Plan E Desaroyo Nobo San Nicolas tur e informacionnan aki Fundacion Accion Ambiental cu a participa na e discusionnan y a haya tur participacion sa esaki bon. Cu e gobierno aki y e Minister concerni nos no a haya ningun participacion tur cos ta den secret p'esey e hotel yama Secret Hotel. Tambe Minister Otmar Oduber y Gobierno ta menciona cu nos di Fundacion Accion Ambiental ta trece informacion eroneo ta net contrario ta Minister concerni y gobierno ta mal informa y gaña pueblo dis pa nan bin cu e hotel pa interes personal tristo.

